

cestovnog pojasa, a koji je sklopljen nakon postupka provedenog u skladu sa važećim propisima.

U slučaju da vlasnik podzemnih instalacija u roku od 72 sata od dana sanacije kvara na podzemnoj instalaciji ne dovede prokopanu površinu u tehnički ispravno stanje i ako se u vremenskom periodu od šest mjeseci nakon izvođenja radova utvrde nedostaci na saniranim površinama, izdat će nalog ovlaštenoj firmi registrovanoj za tu vrstu djelatnosti, da prokopanu površinu dovede u prvobitno ispravno stanje o trošku vlasnika podzemnih instalacija.

Nadležna općinska služba odobrenje za vršenje hitnih opravki na postojećim podzemnim instalacijama izdaje na period od 6 (šest) mjeseci, koje prema potrebi može produžiti.

Vlasnik podzemnih instalacija je obavezan da vodi evidenciju svih prokopa koji su hitna intervencija i da ih dostavlja nadležnoj općinskoj službi i nadležnoj inspekciji.

Član 50.

Odobrenjem za zauzimanje javnih površina u cilju vršenja radova na čišćenju, opravci vanjskih dijelova zgrade i njihovo uređenje (oluci, fasade i sl.) utvrdit će se obaveza za izvođača radova da u svrhu upozorenja učesnika u saobraćaju mora na mjestu izvođenja radova postaviti propisane oznake po kojima će biti vidljivo da je prolaz opasan.

U slučajevima, kada se na objektu vrše zahvati, koji mogu trajati duži period, izvođač radova je dužan iznad pločnika izvesti platformu, koja će obezbijediti nesmetanu komunikaciju pješaka.

Ako se prilikom izvođenja radova oštete javne površine izvođač radova je dužan istu sanirati u roku od 48 sati.

U slučaju da investitor u određenom roku ne izvrši opravku, izdat će se nalog ovlaštenom preduzeću za saniranje oštećenih površina o trošku istog.

Član 51.

Odobrenje za zauzimanje dijela javne površine za deponovanje i pripremanje građevinskog materijala utvrdit će se obaveza izvođača da zauzetu površinu ogradi i označi propisanim znakovima, i time omogući bezbjedan prolaz pločnikom i ulicom, te da ne ometa odvijanje saobraćaja kao i da ne vrši oštećenje zgrade, ulice i pločnika.

Građevinski materijal se mora složiti i uredno držati, te isto tako treba se obezbijediti i normalno oticanje oborinskih voda.

U slučaju da investitor u određenom roku ne izvrši opravku, izdat će se nalog ovlaštenom preduzeću za saniranje oštećenih površina o trošku istog.

V - RJEŠAVANJE U DRUGOM STEPENU

Član 52.

Protiv upravnih akata Općinskog načelnika donesenih na osnovu ove Odluke u drugom stepenu rješava nadležni Drugostepeni organ za žalbe.

VI - NADZOR

Član 53.

Nadzor nad provođenjem ove Odluke vrši Općinski načelnik.

Član 54.

Poslove inspekcijskog nadzora nad provođenjem ove Odluke, vrši općinska inspekcija, i to kako slijedi:

Poslove u oblasti urbanizma opisane u članu 25. stav 1. Zakona o privremenom korištenju javnih površina na području Kantona Sarajevo ("Službene novine Kantona Sarajevo", broj 20/04), općinska urbanističko-građevinska inspekcija, a poslove u oblasti komunalnih djelatnosti opisane u članu 25. stav 2. Zakona općinski komunalni inspektor.

U provođenju nadzora općinski komunalni inspektor ovlašten je:

- Narediti fizičkim i pravnim osobama radnje, ako pregledom utvrdi da se one ne obavljaju ili se obavljaju suprotno odredbama ove odluke i Zakona, odnosno

poduzeti upravne mjere i radnje kojima se naređuje otklanjanje utvrđenih nedostataka i nepravilnosti i o tome donosi odgovarajuće rješenje;

- Vršiti kontrolu donesenih rješenja i vodi evidenciju o istim,
- Pregledati da li su ispunjeni uvjeti u skladu sa izdanim rješenjima;
- Naložiti uklanjanje privremenog objekta/sadržaja postavljenog bez odobrenja nadležne službe;
- Predložiti pokretanje prekršajnog postupka;
- Poduzimati i druge radnje i mjere za koje je ovlašten, u skladu sa Zakonom o privremenom korištenju javnih površina na području Kantona Sarajevo, Zakonom o komunalnim djelatnostima i ovom Odlukom.

VII - KAZNE NE ODREDBE

Član 55.

Za nepoštivanje ove Odluke primjenjivat će se kaznene odredbe iz okvira zakonom propisane nadležnosti urbanističko građevinske i komunalne inspekcije.

VIII - PRIJELAZNE I ZAVRŠNE ODREDBE

Član 56.

Stupanjem na snagu ove odluke prestaje primjena Odluke o visini i načinu naplate naknade za korištenje javnih površina na području Općine Novi Grad Sarajevo ("Službene novine Kantona Sarajevo", broj 3/05, 36/07 i 28/09).

Rješenja donesena na osnovu Odluke o privremenom korištenju javnih površina na području Općine Novi Grad Sarajevo ("Službene novine Kantona Sarajevo", broj 3/05, 36/07 i 28/09), izdata do stupanja na snagu ove odluke, ostaju na snazi do isteka roka utvrđenog u rješenju.

Član 57.

Ova odluka stupa na snagu osmog dana po objavljivanju u "Službenim novinama Kantona Sarajevo".

Broj 01-02-7172/11
25. aprila 2011. godine
Sarajevo

Predsjedavajući
Općinskog vijeća
Aner Šuman, s. r.

ISPRAVKE

Ministarstvo saobraćaja

Po izvršenom savnavanju sa izvornim tekstom utvrđeno je da se u nazivu i tekstu: člana 1. 2. 3. i 4. Odluke o izmjenama i dopunama Odluke o uskladjivanju statusa javnog preduzeća "Gradski saobraćaj" sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", broj 25/09) potkrala štamparska greška u slovima i brojevima, te se u skladu sa odredbom člana 158. Poslovnika Skupštine Kantona Sarajevo ("Službene novine Kantona Sarajevo", broj 25/10 - Prečišćeni tekst), daje slijedeća

ISPRAVKA

- 1) U Odluci o izmjenama i dopunama Odluke o uskladjivanju statusa javnog preduzeća "Gradski saobraćaj" sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", broj 25/09), u nazivu odluke, iza riječi: "javnog", dodaje se riječ: "komunalnog".
- 2) U članu 1. u četvrtom redu, u zagradi: "i 30/08", se briše.
- 3) U članu 2. stav 1., riječi: "druga rečenica briše se", se brišu, a umjesto njih sada stoje riječi: "iza stava 1.", a veliko slovo: "D", zamjenjuje se malim slovom: "d".
- 4) U članu 3. u stavu 3. broj: "6", se briše, a umjesto njega sada stoji broj: "5".

U članu 3. dodaje se novi stav 4., koji glasi: "Dosadašnje alineje: 2, 3, 4, 5 i 6", postaju alineje: "1, 2, 3, 4 i 5".

- 5) U članu 4. stav 1., mijenja se i glasi: "U članu 20. stav 1. i 2. mijenjaju se i glase:
- 6) Ovu ispravku objaviti u "Službenim novinama Kantona Sarajevo".

Broj 04-05-6283/11 II-K
22. aprila 2011. godine
Sarajevo

Ministar
Mr. Haris Lulić, s. r.

JP "LOKOM" d.o.o. Sarajevo

Na osnovu člana 20. Statuta Javnog preduzeća za upravljanje, zaštitu i održavanje objekata u vlasništvu Općine Novi Grad Sarajevo ("Službene novine Kantona Sarajevo", br. 4/10) i člana 2. Odluke o utvrđivanju idejnog rješenja grafičkog znaka JP "LOKOM" d.o.o. Sarajevo, br. 219/10 od 19.09.2010. godine, na prijedlog VD Direktora Preduzeća, Skupština JP "LOKOM" d.o.o. Sarajevo, na četvrtoj sjednici održanoj 7. aprila 2011. godine, donijela je

ODLUKU

O GRAFIČKOM ZNAKU I ZASTAVI PREDUZEĆA I UPOTREBI GRAFIČKOG ZNAKA I ZASTAVE JP "LOKOM" D.O.O. SARAJEVO

Član 1.

Ovom Odlukom utvrđuje se izgled, sadržaj, likovno grafičko rješenje znaka i zastave, te upotreba idejnog rješenja grafičkog znaka i zastave Javnog preduzeća za upravljanje, zaštitu i održavanje objekata u vlasništvu Općine Novi Grad Sarajevo JP "LOKOM" d.o.o. Sarajevo (u daljnjem tekstu: Preduzeća).

Član 2.

Grafičkim znakom i zastavom se predstavlja Preduzeće i izražava pripadnost Preduzeću kao i Općini Novi Grad Sarajevo kao osnivaču istog.

Član 3.

Grafički znak ima četvrtastu formu.

Boja grafičkog znaka je crno-bijela.

Bijela boja naglašava jasnost, jednostavnost, profesionalizam i poslovnost, a crna ostavlja utisak profinjenosti i elegancije.

Član 4.

Elementima grafičkog znaka prikazana je jednostavnost linija i oblika harmonično ukomponovanih sa osnovnim aspektom rada i djelovanja Preduzeća.

Razvoj kapaciteta za sport naglašen je u simbolu siluete sportiste sa pobjednički podignutim rukama.

Podsticanje kulturnih aktivnosti simbolizira se kroz nenadmašnu uočljivost crno bijelih dirki klavijatura.

Svi simboli korespondiraju sa ambijentom Općine Novi Grad Sarajevo, predstavljenim sa nizom solitera u harmoničnoj sinusoidi.

Član 5.

Zastava Preduzeća je pravougaona, vertikalna, žute boje, proporcija 2:1.

Položaj znaka na zastavi je centriran, u veličini 1/2 visine zastave, a ispod znaka nalazi se skraćeni naziv Preduzeća JP "LOKOM" d.o.o. Sarajevo.

Član 6.

Grafički prikaz znaka i zastava Preduzeća sastavni su dijelovi ove Odluke.

Član 7.

Grafički znak i zastava Preduzeća upotrebljavaju se u skladu sa odredbama ove Odluke u svrhu i na način kojima se ističe

ugled i dostojanstvo Preduzeća kao i Općine Novi Grad Sarajevo, kao osnivača istog.

Grafički znak i zastava se mogu upotrebljavati samo u obliku i sadržini utvrđenim ovom Odlukom.

Član 8.

Grafički znak Preduzeća upotrebljava se:

- na objektima datim na upravljanje, zaštitu i održavanje Preduzeća,
- u službenim prostorijama Preduzeća,
- na zastavi Preduzeća,
- na memorandumu i drugim aktima Preduzeća,
- na službenim iskaznicama zaposlenika,
- na službenoj odjeći zaposlenika,
- na zvaničnim pozivnicama, čestitkama i sličnim aktima Preduzeća,
- na međunarodnim susretima, takmičenjima i drugim skupovima u organizaciji Preduzeća ili Općine Novi Grad Sarajevo kao osnivača istog,
- u drugim prigodnim slučajevima ako njegova upotreba nije u suprotnosti sa odredbama ove Odluke.

Član 9.

Zastava Preduzeća ističe se:

- na objektima koji su dati Preduzeću na upravljanje, zaštitu i održavanje,
- u dane državnih praznika na zgradama gdje su smješteni organi preduzeća,
- na međunarodnim susretima, takmičenjima i drugim skupovima u organizaciji Preduzeća ili Općine Novi Grad Sarajevo kao osnivača istog,
- u drugim slučajevima ako njena upotreba nije u suprotnosti sa odredbama ove Odluke.

Član 10.

Upotreba grafičkog znaka i zastave može se odobriti organizacijama, preduzećima i udruženjima građana ako je od interesa za Preduzeće, odnosno Općinu Novi Grad Sarajevo, Odlukom Direktora Preduzeća.

Odobrenje za upotrebu znaka ne može se izdati za obilježavanje roba i usluga.

Član 11.

Grafički znak i zastava Preduzeća mogu se upotrebljavati u obliku bedža, zastavice, kape, majice i sličnih oblika, o čemu odobrenje daje Direktor Preduzeća.

Član 12.

Odluka o upotrebi znaka i zastave Preduzeća može se opozvati, ako se znak upotrebljava protivno članu 8. i 9. ove Odluke.

Član 13.

O donesenim odlukama o upotrebi grafičkog znaka i zastave vodi se evidencija u Preduzeću.

Član 14.

Kada se grafički znak ističe zajedno sa grbom BiH, FBiH, Kantona Sarajevo, odnosno Općine, isticanje se vrši u skladu sa propisima BiH, FBiH, Kantona Sarajevo, odnosno Općine Novi Grad Sarajevo.

Član 15.

Grafički znak i zastava Preduzeća ne mogu se upotrebljavati ako su pohabani, oštećeni ili na drugi način narušavaju ugled Preduzeća ili Općine.

Član 16.

Originali grafičkog znaka i zastave čuvaju se kod Direktora Preduzeća.